

যে আমি ওই ভেসে চলে কালের ঢেউয়ে আকাশতলে
 ওরই পানে দেখছি আমি চেয়ে ।
 ধুলার সাথে, জলের সাথে, ফুলের সাথে, ফলের সাথে,
 সবার সাথে চলছে ও যে ধেয়ে ॥
 ও যে সদাই বাইরে আছে, দুঃখে সুখে নিত্য নাচে—
 ঢেউ দিয়ে যায়, দোলে যে ঢেউ খেয়ে ।
 একটু ক্ষয়ে ক্ষতি লাগে, একটু ঘায়ে ক্ষত জাগে—
 ওরই পানে দেখছি আমি চেয়ে ॥
 যে আমি যায় কেঁদে হেসে তাল দিতেছে মৃদঙ্গে সে,
 অন্য আমি উঠতেছি গান গেয়ে ।
 ও যে সচল ছবির মতো, আমি নীরব কবির মতো—
 ওরই পানে দেখছি আমি চেয়ে ।
 এই-যে আমি ঐ আমি নই, আপন-মাঝে আপনি যে রই,
 যাই নে ভেসে মরণধারা বেয়ে—
 মুক্ত আমি তৃপ্ত আমি, শান্ত আমি, দীপ্ত আমি,
 ওরই পানে দেখছি আমি চেয়ে ॥

Parjaay: Bichitro, Taal: Dadra, Raag: Baul

Visit www.geetabitan.com for notation and other detail